

Klöffen pet de sprochminderhaitn

Der earste trèff hòt se gahölt as de 29 van prochet as Lifesize

Klöffen pet de sprochminderhaitn” sai’ mearer ölgamoatréffen ver za klöffen va Bichtega temen abia zan pasipil sproch, kultur, identitet, ausönderkait ont sèll as de baiber tea’ en de schbòchn grupp. De trèffen sai’ schoa’ upfònk as de 29 van prochet ont der klender van trèffen ist kemmen vourstellt en de lait en a pressekonferenz van viarer van druckomt va de Provinz as ist sechen galòt as Facebook as de sait va de Provinz.

En trèff hom hom toalganòmmen de viarer van Dinst van Lokal Sprochminderhaitn ont europeisce audit Giuliana Cristoforetti, de professoren va de universitet va Treit ont birtschòft vourstea’ner van projekt va de suach socialsprochsueach Clam 2021 Patrizia Cordin ont, inntschöltet va Milan, der professor va Etnosproch ont Sproch ka de Universitet va Milan Bicocca Gabriele Iannaccaro.

Der President Maurizio Fugatti hòt aa gabellt trong de sai’ grias ont der vicepresident van Regionalrot ont ladiner provinzalconsiliar Luca Guglielmi hòt toalganommen.

Giuliana Cristoforetti hòt vourstellt de trèffn ver za klöffen pet de sprochminderhaitn: der earste, abia tsòck, hòt se gahölt as de 29 van prochet asn tema va de sozialspuchsueach. Der zboate trèff, as bart se hòlten en doi herbest, bart hom der titl “Sprochminderheit: s bèrt va de sproch ont va de kultur ont de pint pet de demokrazi”. En olderhaileng bart se hòlten der trèff “Baiber va pèrg ont baiber va sprochminderhaitn: de òrbet van baiber en de schbòchn grupp”. De hòt klöfft van Trèffisch ont van Kordinartisch ver de politik van lokaln sprochminderhaitn aa, ont nou va de zòmmòrbet, u’pfònk vour a zait petn Druckomt va de Provinzialjunta, ver za ibersetzn de komunikatn af ladin, bersntolerisch ont zimber (<https://www.ufficiostampa.provincia.it>).

**“DIALOGHI CON LE MINORANZE”:
UNA SERIE DI APPUNTAMENTI RIVOLTI A TEMI
DI INTERESSE E FONDATIVI DELL’IDENTITÀ DI MINORANZA
NELLA NOSTRA PROVINCIA: LINGUA, CULTURA, DIVERSITÀ
IDENTITARIA E RUOLO DELLE DONNE NELLE COMUNITÀ
FRAGILI GLI ARGOMENTI CARDINE DEGLI INCONTRI
CHE HANNO PRESO IL VIA CON IL PRIMO INCONTRO
PUBBLICO DEL 29 GIUGNO SULLA PIATTAFORMA LIFESIZE**

tin.it/tags/view/Focus/Minoranze+linguistiche). Derno, Patrizia Cordin hòt klöfft van naï’ untersuach van zòmmlem ont va de sproch. Ont derbail as men hòt klöfft men hòt an ettena video aa as se hom vourstellt de trentinische sprochminderhaitn abia lebeta gamoa’schoftn, pfiart va sèlbergabbist ont sèlbergamòcht keing de sai’nega stòrcha burzn va de kultur, va de spròch ont van de istituzion. Zbischn de doin, sèll as se hom tsòck de viarer van drai Kultural Istitutn: Sabrina Rasom (viarer van Istitut

Cultural Ladin) Luca Moltrer (president van Bersntoler Kulturinstitut) ont Willy Nicolussi Paolaz (viarer van Kulturinstitut Lusérn), as de hom vourstellt de naiòrbet as de sai’ noch za strong envire. Ölla de sèlln as sai’ interesiart meing toalnemmen en de Trèffen pet de Minderhaitn. Ver za nemmen toal en de trèffen, durch de piattaforma Lifesize, mias menn se u’hengen en to ont en de stunn as menn vinnt as: <https://bit.ly/3cOinnH>.

(lg)



De ausstell 2021-2022 van Bersntoler Kulturinstitut ist offet

Klöffen, sprechen, parlare. Attraverso la lingua möchena - Durchs Bersntolerische

La lingua rappresenta un patrimonio culturale individuale e collettivo. La mostra aperta fin ad autunno presso la sede del Bersntoler Kulturinstitut ne ripercorre gli aspetti più significativi attraverso documenti, immagini e testimonianze della lingua möchena.

De sproch ist an schòtz ver an iats mensch ober ver de gamoa’schöftn aa. De ausstell “Klöffen, sprechen, parlare - Attraverso la lingua möchena Durchs Bersntolerische” as ist kemmen organisiart haier van Bersntoler Kulturinstitut stellt vour en de lait, pet dokument, kuntschöftn ont lettratn, de bichtestn temen as kearn um en de sproch. En doi austell, s bersntolerisch ist a mittl ver za kontarn van tema van klöffen. De offetzaitn va de ausstell sai’: en heibeger ont en agest, va um zeichena vria finz um zbelva ont a hòlbs ont va um zboa finz um viara nomitto. En lestagest ont en schanmikeal, van ma’ta finz

en vraita òlbe pet de glaichen offetzaitn. Kuratoren van austell sai’ de linguist Daniela Mereu ont Claudia Marchesoni ont Leo Toller van Bersntoler Kultuinstitut gèltsgott en de zòmmòrbet va Birgit Alber, Federica Ricci Garotti ont Daniela Mereu.

LORENZA GROFF

Trèffen va teater ver kinder ont familie

Prende avvio oggi pomeriggio la rassegna di spettacoli teatrali “Coast to Coast, Valle dei Möcheni” che vede ogni settimana un appuntamento per grandi e piccini nei comuni di Fierozzo, Palù del Fersina, Sant’Orsola Terme e Vignola Falesina.

Hait nomitto vòngen u’ en inser tol de trèffen va teater “Coast to Coast, Valle dei Möcheni”: òl bòch kimmp organisiart an trèff en gamoa’n va Schandurschl, Palai, Vlarotz ont Valisn ver kinder ont ver de familie. Hait um vinva nomitto en spilplòtz va Valisn der earste trèff pet “Asino a chi?”, a vourstell va Mirko Corradini, pet Emilia Bonomi ont Mirko Corradini. As de 17 um secksa zobenz kan Paoar en Palai, “Io dico tu” vourstell va ont pet Nicola Sordo.

As de 25 van heibeger, um vinva nomitto kan spilplòtz men en de kirch va Schandurschl “I tre moschettieri” pet en Teatro E.

As de 31 van heibeger kan Kaserbissn hitt, um vinva nomitto an trèff ver kinder ont ver de familie “Hansy e Greta”, òlbe pet en Teatro E.

As de 8 van agest um secksa zobenz en Schdurschl “Io e Mary. L’inventrice di Frankenstein” teater horror.

As de 15 van agest an trèff ver òlla de familie. Men vinnt se um vinva nomitto kan Paoar en Palai pet “I racconti di Fill e Foll. Il gatto con gli stivali”.

Der leiste trèff ist as de 28 van agest um secksa zobenz en Valisn pet “L’alieno di Caldronazzo”.

De trèffen sai’ kemmen organisiart va TeatroE, Umanofono, Compagnia Pesquod gèltsgott en de zuazol va Fondazione Caritro ont van gamoa’n.

(lg)



Comuni ricicloni 2021

Palù del Fersina miglior “Comune ricicloni” della regione nella categoria dei piccoli comuni. I lavori di premiazione, a conclusione della VIII edizione di Ecoforum, sono stati trasmessi mercoledì scorso da Roma e trasmessi in teleconferenza dal sito eco-forum.it

Palai en Bersntol hòt kriakt der earste prais va de inser region en de kategori van kloa’n gamoa’n.

Legambiente, Nuova Ecologia ont Kyoto Club, zòmm pet Conai ont pet Conou organisiarn òl jor der “EcoForum” as ist a bichtega konferenz as de ekologi as enterassiart òlla de regionen van Balschlònt. De konferenz hòt se gahölt ka Rom en eirta ont en mitta vria as ist verpai. Abia òlbe, no de koferenz kemmen ausgem de prais en de “Comuni ricicloni” van Balschlònt. Der praisaustoal hòt se gahölt en mitta nomitto ont haier ist gaben de XXVIII edizion van prais. Unter de gamoa’n as hom finz as 5.000 lait, Palai ist kemmen tschernt abia peiste “Comune ricicloni” va de Region. De sèlln as sai’ enterassiart, meing sechen der praisaustoal ka Rom as de internetsait <https://eco-forum.it> oder lanuovaecologia.it.

LORENZA GROFF



LUDOBUS 2021

An summer dinst ver de insern kinder

Haier aa bart kemmen organisiart del Ludobus. S ist an dinst ver de kinder, ver za gem en de meglechkait za stea’ zòmm pet de òndern kinder ont ver za spiln òlla zòmm. Der Ludobus kimmpt ungefer um nai’na ont a hòlbs en de vria ont er plaip semm finz um a virtlour sima zobenz. Sechber iaz benn a ser bart sai’ en tol.

En mitta as kimmp bart er sai’ en vour en spilplòtz va Vlarotz. En mitta as de 21 kan spilplòtz va de Kamauvrunt. En mitta as de 28 van heibeger en Schandurschl.

Dòra der mitta derno, as de 4 van agest en Palai, as de 11 van agest bider en Vlarotz, as de 18 en Schandurschl ont en eirta as de 24 van agest bider en Palai.